

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренцијски савјет

R J E Š E N j E

**po Prijavi namjere koncentracije između privrednih subjekata ML Cayman Positions Ltd,
Cayman Islands, Omega Funds, Channel Islands i Euromedic International Holdings B.V.,
Holandija**

**Sarajevo
Septembar, 2008. godine**



Broj: 01-03-26-025-12-II/08
Sarajevo, 11.09.2008. godine

Na osnovu člana 25. stav (1) pod e) člana 42. stav (1) pod d) u vezi sa čl. 12., 14., 16. i 18. Zakona o konkurenciji («Službeni glasnik BiH», br. 48/05 i 76/07), po Prijavi namjere koncentracije između privrednih subjekata ML Cayman Positions Ltd, Walker House, 87 Mary Street, George Town, Grand Cayman, KY-1 9002, Cayman Islands i Omega Funds IV Limited, 13 Broad Street, St.Helier, Jersey, JE2 3RR, Channel Islands, zastupanih po advokatu Branku Mariću, Mehmeda Spahe 26, 71000 Sarajevo, Bosna i Hercegovina i privrednog subjekta Euromedic International Holdings B.V., Olympic Plaza, Fred. Roeskestraat 123, 107 6EE, 1076 Amsterdam, Holandija zaprimljenu pod brojem 01-03-26-025-II/08 dana 19.06.2008.godine, Konkurencijsko vijeće, na 71. (sedamdesetprvoj) sjednici održanoj dana 11.09.2008. godine, je donijelo sljedeće

R J E Š E N J E

1. Ocjenjuje se dopuštenom koncentracija koja će nastati na tržištu usluga dijalize u Bosni i Hercegovini sticanjem kontrole kupovinom većinskog udjela od strane privrednih subjekata ML Cayman Positions Ltd, Walker House, 87 Mary Street, George Town, Grand Cayman, KY-1 9002, Cayman Islands i Omega Funds IV Limited, 13 Broad Street, St.Helier, Jersey, JE2 3RR, Channel Islands u privrednom subjektu Euromedic International Holdings B.V., Olympic Plaza, Fred. Roeskestraat 123, 107 6EE, 1076 Amsterdam, Holandija.
2. Ovo Rješenje o koncentraciji upisuje se u Registar koncentracija.
3. Ovo Rješenje je konačno i biće objavljeno u „Službenom glasniku BiH“, službenim glasnicima entiteta i Brčko Distrikta Bosne i Hercegovine.

O b r a z l o ž e n j e

Konkurencijsko vijeće je dana 19.06.2008. godine zaprimilo Prijavu namjere koncentracije broj 01-03-26-025-II/08 (u daljem tekstu: Prijava) privrednih subjekata ML Cayman Positions Ltd, Walker House, 87 Mary Street, George Town, Grand Cayman, KY-1 9002, Cayman Islands i Omega Funds IV Limited, 13 Broad Street, St.Helier, Jersey, JE2 3RR, Channel Islands (u daljem tekstu: ML Cayman i Omega Funds ili Podnosioci prijave), zastupanih po advokatu Branku Mariću, Mehmeda Spahe 26, 71000 Sarajevo, Bosna i Hercegovina, po kojoj namjeravaju kupiti većinski udio u privrednom subjektu *Euromedic International Holdings B.V., Olympic Plaza, Fred. Roeskestraat 123, 107 6EE, 1076 Amsterdam* (u daljem tekstu: *Euromedic International*).

Uvidom u podnesenu Prijavu utvrđeno je da ista nije uredna i kompletna, u smislu člana 30 stav (1) Zakona o konkurenciji (u daljem tekstu: Zakon) i čl. 8. 9. i 10. Odluke o načinu podnošenja prijave i kriterijima za ocjenu koncentracija privrednih subjekata («Službeni glasnik BiH», broj 95/06) te je Konkurencijsko vijeće, u skladu sa članom 31. istog Zakona, zatražilo dopune dana 24.06.2008. godine dopis broj 01-03-26-1-II/08, dana 10.07.2008. godine dopis broj 01-03-26-3-II/08 i dana 16.07.2008. godine dopis broj 01-03-26-5-II/08.

Podnosioci prijave su istu dopunili dana 03.07.2008. godine dopis broj 01-03-26-2-II/08, dana 15.07.2008. godine dopis broj 01-03-26-4-II/08, dana 17.07.2008. godine dopis broj 01-03-26-6-II/08, dana 18.07.2008. godine dopis broj 01-03-26-7-II/08, dana 26.08.2008. godine dopis broj 01-03-26-8-II/08, dana 27.08.2008. godine dopis broj 01-03-26-9-II/08.

Konkurencijsko vijeće je dana 29.08.2008. godine dopisom broj 01-03-26-10-II/08 Podnosiocu prijave izdalo Potvrdu o prijemu uredne i kompletne Prijave (u daljem tekstu: Potvrda), u smislu člana 30. stav (3) Zakona.

Podnosilac Prijave je dostavio Konkurencijskom vijeću odluke nadležnih organa za ocjenu predmetne koncentracije Irske, Njemačke i Švajcarske, u smislu člana 30. stav (2) Zakona. Prijava predmetne koncentracije podnesena je i nadležnim organima za ocjenu koncentracije i u Rusiji i Poljskoj.

Konkurencijsko vijeće u postupku ocjene dopuštenosti predmetne koncentracije je utvrdilo sljedeće činjenice:

Prijava namjere koncentracije je podnesena u zakonom propisanom roku, u smislu člana 16. stav (1) Zakona.

1. Učesnici predmetne koncentracije

Učesnici predmetne koncentracije su privredni subjekti ML Cayman Positions Ltd, Walker House, 87 Mary Street, George Town, Grand Cayman, KY-1 9002, Cayman Islands i Omega Funds IV Limited, 13 Broad Street, St.Helier, Jersey, JE2 3RR, Channel Islands i privredni subjekt Euromedic International Holdings B.V., Olympic Plaza, Fred. Roeskestraat 123, 107 6EE, 1076 Amsterdam, Holandija.

1.1. Privredni subjekt ML Cayman

Učesnik koncentracije investicijska banka ML Cayman Positions Ltd, Walker House, 87 Mary Street, George Town, Grand Cayman, KY-1 9002, Cayman Islands, osnovan dana 22.07.2004. godine na Kajmanskim ostrvima u skladu sa Zakonom o preduzećima CAP.22., je supsidijarno društvo privrednog subjekta Marrill Lynch & Co., Inc., 4 World Financial Center, 250 Vesey Street, New York. NY 10080, SAD (u daljem tekstu: Marrill Lynch).

Privredni subjekt Marrill Lynch je jedno od vodećih društava na tržištu upravljanja kapitalom u preko 40 zemalja svijeta.

Privredni subjekt ML Cayman je vodeći globalni trgovac i posrednik u trgovini dionicama i služi kao strateški savjetnik društvima, vladama, institucijama i privatnim licima širom svijeta.

Privredni subjekti ML Cayman i Marrill Lynch nemaju registrovanih supsidijarnih društava u Bosni i Hercegovini niti na direktan ili indirektan način pružaju svoje usluge na tržištu Bosne i Hercegovine.

1.2. Privredni subjekt Omega Funds

Investicijski fond Omega Funds IV Limited, 13 Broad Street, St.Helier, Jersey, JE2 3RR, Channel Islands je u vlasništvu (..)*¹. Registrovan je dana 18.10.2007. godine pod registarskim brojem 99016 prema Zakonu o preduzećima (Jersey) 1991.

Svoju osnovnu registrovanu djelatnost privredni subjekt Omega Funds obavlja investiranjem preko trećih osoba u fondove odnosno preko istih u razne privredne subjekte.

Privredni subjekt Omega Funds ne drži više od 15% niti u jednom fondu pa tako ni u jednom drugom privrednom subjektu.

U Prijavi se navodi da privredni subjekt Omega Funds nema registrovana supsidijarna društva niti pruža svoje usluge na tržištu Bosne i Hercegovine.

1.3. Privredni subjekt Euromedic International Holdings B.V.

Privredni subjekt Euromedic International Holdings B.V. Olympic Plaza, Fred. Roeskestraat 123, 107 6EE, 1076, Amsterdam, Holandija osnovan je 18.09.2000. godine pri Privrednoj komori Amsterdama pod brojem 34140342.

¹ (..)* podaci predstavljaju poslovnu tajnu

Većinski dioničar privrednog subjekta Euromedic International je privredni subjekt Warburg Pincus sa vlasničkim udjelom od 95,72% (putem svog supsidijarnog društva WP Luxco IV S.a.r.l., 8-10, rue Mathias Hardt, L-1717 Luxembourg, Grand Duchy Luxembourg posjeduje 87,22%, a isti u svom vlasništvu ima privredni subjekt Euromedic Management Holdings B.V., Olympic Plaza, Fred. Roeskestraat 123, 1st floor, 1076, Amsterdam, Holandija putem kojih drži ostalih 8,5%). Privredni subjekt GE Capital Investments posjeduje preostalih 4,28% vlasničkog udjela.

Osnovne registrovane djelatnosti Euromedic International su pružanje medicinskih usluga i to usluge dijalize (hemodijaliza i podrška pacijentima koji su na dijalizi), dijagnosticanja (MRI, CT, PET/CT, angiografija, ultrazvuk, X-ray, mamografija itd) i laboratorijske dijagnostike i radioterapije.

Privredni subjekt Euromedic International pruža usluge u 155 vlastitih zdravstvenih centara uključujući 51 centar za dijalizu, 76 dijagnostičkih i 28 laboratorijskih centara u 14 zemalja uključujući i centar u Bosni i Hercegovini.

1.3.1. Povezani privredni subjekti učesnika koncentracije Euromedic International Holdings B.V. u Bosni i Hercegovini

Privredni subjekt Euromedic International na tržištu Bosne i Hercegovine ima supsidijarno društvo Zdravstvena ustanova bolnica Internacionalni dijaliza centar, ulica Vuka Karadžića broj 6, Banja Luka registrovano dana 20.12.2000. godine u Osnovnom sudu u Banja Luci pod brojem 2593/2000. Privredni subjekt Internacionalni dijaliza centar u svom sastavu ima podružnicu u Bijeljini.

Osnovnu djelatnost privrednog subjekta Internacionalni dijaliza centar i podružnice u Bjeljini predstavlja pružanje usluga dijalize.

Euromedic International na tržištu Bosne i Hercegovine u 100% vlasništvu posjeduje i privredni subjekt International Medical Centres d.o.o. Banja Luka, Vuka Karadžića broj 6, Banja Luka, registrovan dana 10.12.1999. godine u Osnovnom sudu u Banja Luci pod brojem 2587/99 koji, prema podacima iz Prijave, do sada nije bio aktivan.

2. Obaveza prijave namjere koncentracije

Na osnovu ostvarenog godišnjeg prihoda učesnika koncentracije na dan 31.12.2007. godine proizašla je obaveza prijave namjere koncentracije, u smislu člana 14. stav (1) Zakona.

Ukupni ostvareni godišnji prihodi učesnika koncentracije na dan 31.12.2007. godine iznosili su:

Tabela 1.

Ukupni prihod (KM)	ML Cayman	Omega Funds	Euromedic International	Internacionalni dijaliza centar Banja Luka
Svijet	(..)*	(..)*	(..)*	-
BiH	-	-	-	(..)*

Ukupan prihod učesnika koncentracije privrednog subjekta Euromedic International ostvaren prodajom roba na svjetskom tržištu iznosi preko 100.000.000,00 KM po završnom računu u godini koja je prethodila koncentraciji, a obzirom da je privredni subjekt Internacionalni dijaliza centar registrovan na teritoriji Bosne i Hercegovine učesnici koncentracije su bili u obavezi podnijeti Prijavu u skladu sa članom 14. stav (1) Zakona.

3. Pravni okvir ocjene koncentracije

Konkurencijsko vijeće je u provođenju postupka ocjene dopuštenosti predmetne koncentracije primjenilo odredbe Zakona, Odluke o utvrđivanju relevantnog tržišta («Službeni glasnik BiH», broj 18/06) te Odluke o načinu podnošenja prijave i kriterijima za ocjenu koncentracija privrednih subjekata.

4. Pravni osnov i oblik koncentracije

Pravni osnov predmetne koncentracije predstavlja Ugovor o prenosu udjela, zaključen dana 11. juna 2008. godine, kojim privredni subjekti ML Cayman i Omega Funds namjeravaju kupiti privredni subjekt Euromedic International. U tu svrhu dana 03.06.2008. godine osnovan je privredni subjekt Danube Bidco S.A., RueGuillaume Kroll 5, 1025 Luxemburg i to isključivo za potrebe ove transakcije. Podnosioci prijave će svoje udjele u privrednom subjektu Euromedic International imati preko privrednog subjekta Danube Bidco S.A.. Privredni subjekt ML Cayman namjerava kupiti 63,6% osnovnog kapitala i 49,0% glasački prava privrednog subjekta Danube Bidco S.A., Omega Funds 32,9% kapitala i 27,3 glasačkih prava, a preostalih 3,5% kapitala i 23,7% glasačkih prava biće u vlasništvu menadžera Euromedic International i to predsjednika i glavnog izvršnog direktora privrednog subjekta Euromedic International Josepha Priel i predsjednika upravnog odbora Janosa Meszarosa.

Privredni subjekti ML Cayman i Omega Funds imaju pravo da imenuju po dva od ukupno šest članova upravnog odbora privrednog subjekta Danube Bidco S.A. i svako od njih ima pravo veta na strateške odluke, uključujući i usvajanje biznis plana i godišnjeg budžeta kao i vođenje odbora privrednog subjekta Euromedic International i svih njegovih supsidiranih društava što znači da će privredni subjekti ML Cayman i Omega Funds zajedno kontrolisati privredni subjekt Euromedic International.

Pravni oblik koncentracije podrazumijeva sticanje kontrole privrednih subjekata ML Cayman i Omega Funds nad privrednim subjektom Euromedic International kupovinom većinskog udjela osnovnog kapitala, u skladu sa članom 12. stav (1) tačka b) pod 1. Zakona.

5. Relevantno tržište

Relevantno tržište, u smislu člana 3. Zakona, te čl. 4., 5. i 6. Odluke o utvrđivanju relevantnog tržišta, čini tržište određenih proizvoda/usluga koje su predmet obavljanja djelatnosti na određenom geografskom tržištu.

Prema odredbi člana 4. Odluke o utvrđivanju relevantnog tržišta relevantno tržište proizvoda obuhvata sve proizvode i/ili usluge za koje potrošači smatraju da su međusobno zamjenjivi s obzirom na njihove bitne karakteristike, kvalitet, namjenu, cijenu ili način upotrebe.

Nadalje, prema članu 5. Odluke o utvrđivanju relevantnog tržišta relevantno tržište u geografskom smislu obuhvata cijelu ili dio teritorije Bosne i Hercegovine, na kojoj tržišni konkurenti djeluju u prodaji i/ili kupovini relevantnog proizvoda pod jednakim ili dovoljno ujednačenim uslovima koji to tržište bitno razlikuju od uslova tržišne konkurencije na susjednim geografskim tržištima.

Relevantno tržišta proizvoda predmetne koncentracije je tržište usluga dijalize.

Relevantnim geografskim tržištem smatra se tržište Bosne i Hercegovine.

U tom smislu, relevantnim tržištem predmetne koncentracije smatra se tržište usluga dijalize na cijeloj teritoriji Bosne i Hercegovine.

6. Analiza relevantnog tržišta

U pogledu pružanja usluga dijalize privredni subjekt Internacionalni dijaliza centar saraduje sa Javnim zdravstvenim sistemom Republike Srpske čiji pacijenti najčešće koriste ove usluge, a čiji se troškovi refundiraju iz Javnog zdravstvenog sistema Republike Srpske. Internacionalni dijaliza centar pruža usluge i pacijentima iz Federacije Bosne i Hercegovine i Distrikta Brčko iz razloga što zdravstvene ustanove iz oba entiteta i Distrikta Brčko putem uputnica svoje pacijente šalju na liječenje u Internacionalni dijaliza centar.

U Prijavi se navodi da je između entitetskih zdravstvenih fondova zaključen Sporazum o međusobnom liječenju na osnovu kojeg se vrši uzajamna refundacija troškova liječenja pacijenata iz Republike Srpske, Federacije Bosne i Hercegovine i Distrikta Brčko. Broj pacijenata koji dolazi iz Federacije Bosne i Hercegovine i Distrika Brčko ne prelazi 10% ukupnog broja pacijenata koji koriste usluge privrednog subjekta Internacionalni dijaliza centar.

Prema podacima iz Prijave tržišna udjela privrednog subjekta Internacionalni dijaliza centar i glavnih konkurenata na tržištu pružanja usluge dijalize u Bosni i Hercegovini u 2007. godini su:

Tabela 2.

Redni broj	Naziv privrednog subjekta	Tržišni udjeli (%)
1.	Internacionalni dijaliza centar, Banja Luka	25,0
2.	Fresenius Medical Care d.o.o. Sarajevo	11,0
3.	Inel Med Mostar, Bihać	6,6
4.	Javni zdravstveni sistem	57,4
	UKUPNO	100,0

Iz navedenog proizilazi da tržišni udio privrednog subjekta Internacionalni dijaliza centar na tržištu Bosne i Hercegovine iznosi oko 25%, a pošto privredni subjekti ML Cayman i Omega Funds na tržištu Bosne i Hercegovine nemaju tržišni udio neće doći do povećanja tržišnog udjela učesnika koncentracije na relevantnom tržištu.

7. Ocjena predmetne koncentracije

Konkurencijsko vijeće je, nakon procjene i analize podataka i utvrđenih činjenica u smislu člana 17. Zakona, u postupku donošenja predmetnog Rješenja, ocijenilo da provođenje predmetne koncentracije neće narušiti postojeću tržišnu konkurenciju s obzirom da privredni subjekti ML Cayman i Omega Funds nisu prisutni na tržištu Bosne i Hercegovine te da predmetna koncentracija vodi samo promjeni vlasničke strukture između učesnika koncentracije iz čega proizilazi da navedena koncentracija neće proizvesti promjenu tržišnih pozicija na relevantnom tržištu.

Konkurencijsko vijeće je utvrdilo da se predmetnom koncentracijom privrednih subjekata ne stvara i ne jača dominantan položaj na relevantnom tržištu usluga dijalize u Bosni i Hercegovini te je odlučio kao u dispozitivu ovog Rješenja.

8. Administrativna taksa

Na ovo Rješenje podnosilac Prijave, u skladu s članom 2. tarifni broj 107. stav (1) tačka d) 1) Odluke o administrativnim taksama u vezi sa procesnim radnjama pred Konkurencijskim vijećem («Službeni glasnik BiH», broj 30/06), obavezan je platiti administrativnu taksu u iznosu od 2.500,00 KM u korist Budžeta institucija Bosne i Hercegovine.

9. Pouka o pravnom lijeku

Protiv ovog Rješenja nije dozvoljena žalba. Nezadovoljna strana može pokrenuti upravni spor pred Sudom Bosne i Hercegovine u roku od 30 dana od dana prijema ovog Rješenja odnosno od dana njegovog objavljivanja.

Predsjednik

Ibrica Lakišić